



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

25 Distributiones quotidianas non amittunt absentes à choro pro utilitate ecclesiae.

urn:nbn:de:hbz:466:1-10316

marum & ad residendum in ecclesia pa-
rochiali, & ibi in divinis deservendum, de-
bitoque eorum officio fungendum teneri,
& obligatos esse, ac id per Episcopos, &
aliorum locorum ordinarios tanquam Se-
dis Apostolicæ delegatos sub sententiis,
& censuris Ecclesiasticis, & pecuniariis
arbitrio eorum declarandis, ac etiam pri-
vationis dictarum parochialium, & alio-
rum quorumcunque beneficiorum pec-
nis, quacunque appellatione remota, &
quamvis alia habeat beneficia personalem
residentiam requirentia, cogi & compelli
possunt, ac debent, *ub in const. Pij. V. cupi-
entes, & cap. 1. in Bull. cap. 64.*

18 ¶ Et sunt cogendi ad habitandum in domo
ecclesiæ, vel si ecclesia domum non habeat
in propinquire intra limites parochiæ,
alias tenetur ad restitutionem fructuum,
*de quibus in eodem cap. 1. sess. 23. & ita cen-
suit congreg. concil. super eodem cap. §. cong-
censur.*

19 Dignitates, & ¶ canonicatus in cæthe-
dralibus, vel collegiatis ecclesiis obtinen-
tes, & ultra tres menses contra conc. Trid.
dispositionem non residentes, primo anno
dimidia parte fructuum, quos ratione et-
iam præbendæ, & residentiæ suos fecif-
sent, sunt privandi; de distributionibus
quotidianis ¶ absentes adeo sunt privandi,
ut si quis de eisdem quicquam percipere
præsumit, excepta infirmitatis, aut alia ju-
sta, & rationabili corporali necessitate, aut
ecclesiæ evidenti utilitate debeat excusari,
eisdem fructus non faciat suos, sed ad
omnium sic perceptorum restitutionem
teneatur, *c. unic. de cler. & resid. in 6. conc.
Trid. cap. 12. de reform. sess. 24. & pluribus
de causis canonici à residentia excusan-
tur.*

21 Primò, ¶ enim legis permissione, qua
per tres menses abesse possunt, conc. Trid.
in dict. c. 1. §. quoniam autem, sess. 23. de refor.
non tamen canonici omnes, vel maxima
eorum pars possunt abesse eodem tempo-
re, ne ecclesia suo debito servitio desti-
tuatur, sed tantum ea quota pars canoni-
corum, quæ videbitur arbitrio Episcopi, &
capituli. congreg. conc. *super eod. c. 12. in
ver. tres menses,* ¶ Et licet impunè abesse
possent, distributiones tamen non percipi-
unt, sed illas amittunt, *congr. conc. super d.
c. 12. in decis. sub tit. Mediolanen. Gadicen.*
Quæ illæ temporibus vacationum esse de-
bent pro canonicis, qui servire volunt, *ut
in eisdem declarat, sub verb. tres menses, §.
& distributiones.*

22 Secundò, ¶ canonici missi ab eorum
Episcopis ad limina Apostolorum eo-
rum nomine, vel, comitantes ipsos Episco-
pos ad eadem limina, qui ex decreto Sixti
Papæ V. distributiones quotidianas lu-
crantur, ut testatur congreg. concil. *in de-
clarat. super eodem c. 12. in verb. fructuum,
§. canonici.*

23 Tertiò, ¶ lucrantur etiam distributio-
nes quotidianas, qui curam animarum ex-
ercent, quæ illi ecclesiæ imminet, dum ta-
men sunt in actu administrandi sacramen-
ta, vel alia exercendi, quæ spectant ad
ipsam curam, quia, tanquam præsentis in
choro habentur, ut per eandem sac. con-
greg. fuit declaratum *super eod. c. 12. in ver.
recipiant.*

24 Quartò, ¶ qui ex causa legitima com-
prehensa *in cap. unic. de cler. non resid. in 6.*
ab Episcopo excusatur à residentia chori
sine consensu capituli, de cujus interesse
agitur, sive sit canonicus, sive capella-
nus, *ut in declarat. super eodem cap. 12.*

¶ ¶ ¶ in dec.

in dec. sub tit. Veronen. & alia sub tit. Mediolanen. erit enim causa legitima, si deficientibus tunc aliis Missis, dum divina officia in choro recitantur, canonico concedatur, ut dimisso choro fidelibus Missam celebret, vel fidelium confessiones audiat, aut alia sacramenta ecclesiastica in casu necessitatis ministret, quia præmissa concernunt evidentem ecclesiæ utilitatem, quibus casibus distributiones quotidianæ legitimè percipiuntur, *dict. c. unic. §. qui vero de cleric. non residen.* Quodque ²⁶ absentes † pro utilitate ecclesiæ distributiones quotidianas non amittant, fuit etiam decisum per eandem sacr. congreg. *super dict. c. 12. in decis. sub tit. Tudertin. que incipit, absentes pro utilitate,* & idè bene, & jure Gregor. XIII. sanctæ mem. Carolo Borromeo Archiepiscopo Mediol. ac omnibus Episcopis, & ecclesiis ejusdem provinciæ perpetuè concessit, & indulgit, quòd, quicumque canonici metropolitana, cathedralisvè ecclesiæ, aut dignitatem in ea obtinentes, alique chori officii adstricti, Archiepiscopo, vel Episcopo, in civitate etiam extra ecclesiam metropolitana, vel cathedralem consecrati, vel ²⁷ reconcilianti ecclesias, cœmiteriavè, aut sacros ordines, aut confirmationis sacramentum, aut sanctissimam Eucharistiam frequenti populo ministranti, aut alia Pontificalia munera exercenti, ejus jussu assistent, ministraverint, vel inservierint, quique Archiepiscopi, vel Episcopi jussu in metropolitana cathedrali, aut collegiata ecclesia ²⁸ sua curata in sacramentorum pœnitentiæ, aut sanctissimæ Eucharistiæ administratione operam, ministeriumvè præstiterint, dum in ea occupatione versantur in ipsa ecclesia, ita præsentem in choro cense-

antur, ut distributionum quarumcumque æquè participes sint atque illi, qui missarum solemnium, & horis, canonicisque officii in choro intersunt, quodque præfato Archiepiscopo, & cuilibet Episcopo diocesis Provinciæ liceat, quandoocunque sibi videbitur, permittere, & ordinare, ut aliquot ex canonicis, dignitatevè obtinentibus, ac alius choris officio adstrictis Missæ sacrum, sive ex sua solùm devotione, sive ex onere suscepto, vel sibi imposto, aut elemosinæ nomine celebraturis, illud in sua quisque ecclesia, in qua choro adstricti sunt, quo tempore divina officia in choro aguntur, tã festis, quàm ferialibus diebus, paragere liceat; & nihilominus, quod ad distributiones capiendas attinet, præsentem in choro censeantur. Non obstantibus constitutionibus & ordinationibus Apostolicis, ac ecclesiarum statutis, ac consuetudinibus, etiam juramento, confirmatione Apostolica, vel quavis firmitate alia roboratis, *ut in litteris sub annulo Piscatoris die 20. Octobris. 1579. expeditis, in synodo diocæsana prima Casaris Speciani Episcopi Cremonensis impressis.*

²⁷ Quintò, † distributiones percipiant infirmi, & senio confecti, qui residere non possunt, si alias residere consueverunt, & debentur etiam detentis in carceribus, non tamen ob propriam culpam, ex trad. per Io. Andr. *in eod. c. unic. de cler. non resid.* & congreg. concilij *super eod. c. 12. in decis. sub tit. Ravennaten.*

²⁸ Sècundò, † duo canonici, qui inserviant Episcopo in visitatione, absentes dici non debent, sed præsentem, ipsi enim eum Episcopo pro suo, & ipsius ecclesiæ servitio commorantur, *cap. de cœtero, & ibi gloss. 1. & cap. ad audientiam, §. decernimus, ubi*